

## FOLASAGA MO LE FAIAOGA

Ina ia e saunia faaleagaga e aoao atu lenei lesone, faamolemole ia faitau ma mafaufau loloto i mea nei:

O le Tusi a Mamona o se molimau mamana ia Iesu Keriso. O loo i ai molimau a perofeta anamua o e na muai vaai i Lona afio mai ma malamalama i Lana misiona. O loo i ai foi se tala i Lana asiasiga i Amerika ina ua faatoa maea lava Lona Toetu (tagai 3 Nifae 11–27). O le faamoe-moega autu o le Tusi a Mamona ia faatalitonu ai tagata uma “o Iesu o le Keriso, o le Atua Faavavau, o loo faaali mai o ia i atunuu uma lava” (itulau autu o le Tusi a Mamona; tagai foi 1 Nifae 13:40–41; 2 Nifae 25:26; 33:10–11).

## SAUNIUNIGA

- Faailoga itulau 22, 94, ma le 126 i le tusi lesone leni ia faigofie ai ona e susue i ai.
- Aumai se kopi o le Tusi a Mamona.

## GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

**Tatalo** Valaaulia se tamaitiiti e faia le tatalo amata.

**Pese** Usu le tali o le “Saili, Mafaufau Loloto, ma Tatalo” (*Tusipese a Tamaiti*, 66) ma fai ia taga o loo i lalo. Valaaulia tamaiti tou te faia faatasi

Saili, (*faafoliga o tatala se tusi*) suesue, (*tusi i le ulu*)

Ma tatalo tauanau. (*piilima*)

Le Agaga e taitai ai, (*tuu le lima i luga o le fatafata*)

Ma ou iloa ai mea moni. (*tusi i le ulu*)

**Ata** Uu i luga le Tusi a Mamona. Ta'u i tamaiti, “O le Tusi a Mamona lea. Ua aoao mai le Tusi a Mamona ia i tatou e uiga ia Iesu.” Valaaulia tamaiti e fai mai “Tusi a Mamona.” Susu'e le Tusi a Mamona ma tuu i ou luma.

Faaali atu le ata o le Fanau mai o Iesu (itulau 126) o le tusi lesone leni). Faasino i le Tusi a Mamona ma ta'u i tamaiti ua aoao mai le Tusi a Mamona na afio mai Iesu Keriso i le lalolagi.

Faaali atu le ata o Iesu o loo faamaloloina sa Nifae (itulau 94). Tusi i le Tusi a Mamona ma ta'u i tamaiti ua aoao mai le Tusi a Mamona na faamalolo e Iesu tagata o e na mamai.

Faaali atu le ata o Iesu o loo faamanuiaina tamaiti sa Nifae (itulau 22). Tusi i le Tusi a Mamona ma ta'u i tamaiti ua aoao mai le Tusi a Mamona na faamanuia e Iesu tamaiti.

**Faaiuga** Fai i tamaiti e fai mai, “Ua aoao mai le Tusi a Mamona ia te a'u e uiga ia Iesu Keriso,” fai auauai ni nai upu i le taimi. Ta'u ia i latou e te iloa e moni le Tusi a Mamona.

**Tatalo** Valaaulia se tamaitiiti e faia le tatalo faaiu.

MOTUGAAFA  
FAAFAIAOGA

**Sauniuniga:** Afai ua e saunia lelei i ni tala, ata, ma taaloga a o le i amataina le vasega pepe, o le a mafai ona taulai atu lou mafaufau i tamaiti. Ia e saili ma le agaga tatalo mo le taitaiga a le Agaga a o e sauniuni e aoao atu.

**Pese:** E mafai ona e faaaogaina pese Peraimeri toetoe o lesone uma, e faailoa atu ai pe aotele ai foi se manatu. O pese Peraimeri e fesoasoani i tamaiti e aoao ma manatua ai mataupu faavae o le talalelei. E mafai ai foi e tamaiti ona tuuina atu a latou molimau i ni auala faigofie ma le matagofie.

**Tusitusiga Paia:** O le susueina o tusitusiga paia ma faasino atu i ai a o e aoao atu, e fesoasoani lea i tamaiti e malamalama ai o tala ia Iesu e mava mai i tusitusiga paia.

## GAOIOIGA E FILIFILI AI

**SAUNIUNIGA** *Mo le taaloga i taga:* Kopi le ata tusi o i le itulau 95.

Oti i luga o laina togitogi. Tuu ata i totonu o le taga po o se isi koneteina.

*Mo le tusi:* Fai se kopi o le itulau 95 mo tamaiti taitoatasi e valivali.

**Fuaiupu o Gaoioiga** Tauloto le fuaiupu o gaoioiga lea ma valaaulia tamaiti tou te faia faatasi:

Faitau le Tusi a Mamona. (*amata o i le tuufaatasi o lima, ona tatala lea e pei o se tusi*)

Faitau i aso uma.

A o le i amata aoao (*tusi i le ulu*)

Aua nei galo ona tatalo. (*piilima*)

[Terri Clark, “Read the Book of Mormon,” *Friend*, Mati 2004, 11]

**Taaloga i le Taga** Fai i se tamaitiiti e filifili mai se ata tusi mai le taga po o le koneteina. Faitau i tamaiti le faaupuga o i lalo ifo o le ata. Toe fai seia tofua avanoa uma tamaiti o e mananao ai.

**Tusi** Ia valivali e tamaiti taitoatasi se kopi o le ata tusi o i le itulau 95. A o valivali i latou, talanoa atu ia i latou e uiga i le ata tusi. Faasino ia Iesu i ata taitasi. A maea, gagau i luga o laina togitogi e fai ai se tusi. Ona faitau atu lea o le tusi i tamaiti.




## MOTUGAAFA FAAFAIAOGA

**Gaoioiga:** Ia faapisi tamaiti i le faaaoaina lea o gaoioiga eseese. Atonu o le auala sili lea e taofia ai ni amioga faalavelave. (Tagai O Le Aoao Atu, E Lei Se Isi Valaauga e Sili Ai, 86, 74.)


**O tamaiti laiti** e faigofie lava ona faalavelaveina o latou mafufau. A o aoao atu le tasi o taitai vasega po o taitaia se gaoioiga, e mafai ona fesoasoani le isi e tata'i mafufau o tamaiti i le gaoioiga. O le tuu atu foi o se mea e uu e se tamaitiiti e mafai foi ona fesoasoani ia te ia e aofia ai i le gaoioiga.




Ua aoao mai le Tusi a Mamona na afio mai Iesu i le lalolagi!  
(tagai Alema 7:10-12).



Ua aoao mai le Tusi a Mamona na faamaloloina e Iesu e mamatai  
(tagai 3 Nifae 17:7-10).



Ua Aoao Mai le Tusi  
a Mamona ia te A'u  
e Uiga ia Iesu Keriso



Ua aoao mai le Tusi a Mamona na faamanuiaina e Iesu tamaiti  
(tagai 3 Nifae 17:21-24).

